

Headline	Tugasan jauh di tengah hutan bukan halangan		
MediaTitle	Berita Minggu		
Date	16 Oct 2016	Language	Malay
Circulation	125,514	Readership	947,000
Section	Nasional	Page No	9
ArticleSize	838 cm ²	Journalist	Fahmy Azril Rosli
PR Value	RM 86,328		



[FOTO SADDAM YUSOF/BH]

Pekerja TNB melakukan penyelenggaraan pembedian utama talian di Felda Sungai Tinggi, Kuala Kubu Bharu.

Tugasan jauh di tengah hutan bukan halangan



Pekerja mula memasang penebat kilat di Felda Sungai Tinggi.

➔ Pekerja TNB tidak gentar pastikan bekalan berterusan

Oleh Fahmy Azril Rosli
fahmy.azril@bh.com.my

► Hulu Selangor

Ketika ramai berehat di rumah atau di tempat kerja berhawa dingin, sekumpulan pekerja Tenaga Nasional Berhad (TNB) bertungkus lumus, sesetengah mereka berada jauh dalam

hutan dan ada kala berdepan ancaman cuaca tidak menentu bagi memastikan bekalan elektrik tidak terganggu.

Sepanjang syif tugas, mereka sentiasa dalam keadaan berjaga-jaga, bersedia 24 jam bagi memantau bekalan elektrik supaya dalam keadaan terkawal, memikul amanah yang besar untuk negara. Mereka tidak menganggap tugas itu sekadar pekerjaan, sebaliknya menerimanya sebagai amanah berat.

Bagi yang kurang peka dan kurang faham prosedur operasi standard (SOP) TNB, pasti akan menuding jari menyalahkan kakitangannya jika bekalan elektrik mengalami gangguan, malah kata-kata kesat sudah biasa dilemparkan kepada mereka walaupun hanya lewat sedikit memberi

maklum balas.

Mungkin ramai masih tidak tahu, tugasan membaikpulih gangguan bekalan perlu dilaksanakan mengikut SOP yang ditetapkan, terutama ketika hujan bagi mengelak risiko terkena renjatan atau panahan petir ketika melakukan kerja di pencawang atau tiang elektrik.

Antara cabaran terbesar lain yang selalu dihadapi ialah menjalankan kerja pembaikan di kawasan pedalaman, terutama dalam hutan yang memerlukan mereka mempelajari sendiri selok-belok atau kemahiran tambahan supaya tidak ditimpa kejadian tidak diingini.

Pelbagai pengalaman

BH berpeluang melihat sendiri kegigihan tiga pekerja TNB, Juruteknik Khas di Bahagian Pembahagian TNB Selangor, Johari Ishak, 52; Tukang Tingkatan Kanan, Muruges Murusamy, 57, dan Mohd Ramzi Ismail, 38, bagi tugas penutupan dan pembukaan aliran arus elektrik 33 kilovolt (kV) untuk kerja pembaikan.

Mereka yang ditemui ketika melakukan kerja pemasangan, penyenggaraan dan pembaikan di kawasan hutan berhampiran Felda Soeharto, Kalumpang, dekat sini, pernah menempuh pelbagai pengalaman dan cabaran, ada yang mengancam nyawa sepanjang kerjaya masing-masing, namun tidak sesekali mengeluh menggalas amanah.

➔ UTILITI

Cabaran daki bukit, pikul beban



Mohd Ramzi Ismail



Muruges Murusamy

Hulu Selangor: "Ada satu kejadian 'shutdown' jauh di ceruk hutan ketika bulan puasa. Walaupun dahaga, lapar dan letih, tugasan mesti diselesaikan kerana kami terikat dengan amanah dan tanggungjawab untuk rakyat," kata Johari Ishak, 52.

Mengimbu satu kes gangguan elektrik dikendalikannya pada 1990-an, Johari yang berkhidmat dengan TNB hampir 33 tahun, berkata beliau dan rakan setugas terpaksa berjalan dan mendaki lereng bukit lebih dua kilometer sambil memikul peralatan berat selama sejam kerana kawasan dituju tidak boleh diakses kenderaan.

"Memang memenatkan kerana pada bulan puasa, namun kami memegang amanah dan tanggungjawab menyediakan bekalan elektrik berterusan kepada rakyat," katanya sambil menambah, cabaran terbesar adalah mencari tiang atau menara voltan tinggi di kawasan terpencil yang luarnya sempit, licin dan berbukit.

Kenderaan terkandas

Bagi Muruges Murusamy, 57, kenderaan pacuan empat roda dinai-kirinya pernah terkandas akibat jalan tanah merah becak di ladang sawit ketika mahu ke lokasi pembaikan pada waktu hujan, sekali gus mengambil masa lebih lama untuk sampai ke lokasi.

"Kenderaan tersangkut dalam lubang adalah lumrah buat kami. Itu sebabnya, kami wajar mempelajari teknik pengendalian kenderaan dengan betul yang dapat dijadikan bekalan apabila memandu di kawasan tanah tidak berturap," katanya.

Mohd Ramzi Ismail, 38, yang bertugas sebagai Orang Berkebebanan (AP) menjalankan kerja-kerja penyuisan dan mula tugas bekalan elektrik, berkata tugasannya memerlukan kesabaran tinggi kerana sering menghadapi ancaman haiwan, selain kerenah masyarakat.

"Saya pernah dimarahi pemilik ladang yang tidak membenarkan kami melalui kawasannya untuk ke lokasi pembaikan. Itu antara cabaran terpaksa dihadapi kerana banyak tiang atau pencawang elektrik ada di ladang dan kawasan persendirian," kata bapa tiga anak ini.



Saya pernah dimarahi pemilik ladang yang tidak membenarkan kami melalui kawasannya untuk ke lokasi pembaikan"

Mohd Ramzi Ismail, Orang Berkebebanan (AP) menjalankan kerja-kerja penyuisan dan mula tugas bekalan elektrik



➔ Memang memenatkan kerana pada bulan puasa, namun kami memegang amanah dan tanggungjawab menyediakan bekalan elektrik berterusan kepada rakyat"

Johari Ishak, Juruteknik Khas TNB